

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA KLJUČ
OPĆINSKI NAČELNIK

Broj: 02-30-753/25
Ključ, 22.4.2025. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH”, br. 34/03 i 65/13), člana 25. i 25.a Zakona o pravobranilaštvu Unsko - sanskog kantona („Službeni glasnik USK-a”, br. 20/04 i 8/17), člana 40. Statuta Općine Ključ - Prečišćeni tekst („Službeni glasnik Općine Ključ”, br. 3/10 i 3/11) i Odluke o osnivanju Općinskog pravobranilaštva („Službeni glasnik Općine Ključ”, broj: 1/98 i 9/08), Općinski načelnik Općine Ključ, objavljuje

**JAVNI KONKURS
ZA IZBOR OPĆINSKOG PRAVOBRANIOCA
OPĆINE KLJUČ**

I - NAZIV POZICIJE

Općinski pravobranilac Općine Ključ - 1 (jedan) izvršilac, na mandatni period od 4 (četiri) godine.

II - OPIS POSLOVA

Općinski pravobranilac obavlja poslove pravnog savjetovanja i zakonskog zastupanja Općine pred sudovima i drugim nadležnim organima, te poslove pravne zaštite imovine i imovinskih interesa Općine, njenih organa, drugih državnih organa, ustanova i fondova koji imaju svojstvo pravnog lica, a finansiraju se iz budžeta Općine i u odnosu na njih Općina vrši osnivačka prava. Obavlja poslove pravne zaštite imovine i imovinskih interesa javnih preduzeća i drugih pravnih lica koje po zakonu osniva Općina, ako je to aktom o osnivanju predviđeno. Daje pravna mišljenja u postupku donošenja opštih akata i drugih propisa kojima se uređuju imovinsko - pravni odnosi, kao i druge poslove iz nadležnosti Općinskog pravobranilaštva u skladu sa zakonom.

III – OPĆI I POSEBNI USLOVI

Kandidat za Općinskog pravobranioca mora ispunjavati sljedeće opće i posebne uslove:

1. Opći uslovi:

- da je državljanin Bosne i Hercegovine,
- da je stariji od 18 godina, ali ne stariji od 65 godina,
- da je zdravstveno sposoban,
- da se protiv njega ne vodi krivični postupak,
- da nije osuđivan za krivično djelo ili privredni prestup,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
- da se na njega ne odnosi član IX. 1. Ustava Bosne i Hercegovine,
- da nije član organa zakonodavne, sudske ili izvršne vlasti ili savjetnik u smislu Zakona o sukobu interesa u organima vlasti Federacije Bosne i Hercegovine („Službene novine FBiH”, broj: 70/08),
- da nije član, niti obavlja poslove u organima političke partije, političkim udruženjima ili fondacijama koje su povezane sa političkom strankom, niti može biti uključen u bilo kakvu političku ili stranačku aktivnost.

2. Posebni uslovi:

- da ima završenu VSS, VII stepen pravne struke ili diplomu visokog obrazovanja, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja - pravne struke,
- da ima položen pravosudni ispit,
- da ima najmanje 4 (četiri) godine iskustva u radu na pravnim poslovima u pravobranilaštvu, pravosudnim organima i drugim državnim organima, preduzećima (društvima) i drugim pravnim licima.

IV – POTREBNA DOKUMENTACIJA

Kandidati su obavezni priložiti sljedeću dokumentaciju (original ili ovjerene fotokopije):

1. Prijava,
2. Biografija sa adresom i kontakt telefonom,
3. Uvjerenje o državljanstvu,
4. Diploma o završenoj stručnoj spremi,
5. Dokaz o položenom pravosudnom ispitu,
6. Dokaz o radnom iskustvu na pravnim poslovima,
7. Svojeručno potpisanu i od nadležnog organa ovjerenu izjavu:
 - da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
 - da se na njega ne odnosi član IX. 1. Ustava Bosne i Hercegovine,
 - da nije osuđivan za krivično djelo ili privredni prestup,
 - da nije član organa zakonodavne, sudske ili izvršne vlasti ili savjetnik u smislu Zakona o sukobu interesa u organima vlasti Federacije Bosne i Hercegovine („Službene novine FBiH“, broj: 70/08),
 - da nije član, niti obavlja poslove u organima političke partije, političkim udruženjima ili fondacijama koje su povezane sa političkom strankom, niti može biti uključen u bilo kakvu političku ili stranačku aktivnost.

Kandidat koji bude imenovan obavezan je, u roku od osam dana od dana imenovanja, dostaviti uvjerenje o zdravstvenoj sposobnosti.

V – PODNOŠENJE PRIJAVA

Ovaj Javni konkurs objavit će se u "Službenim novinama Federacije BiH", dnevnom listu "Oslobođenje", web stranici Općine Ključ i na oglasnim pločama Općine Ključ.

Krajnji rok za podnošenje prijave je 15 (petnaest) dana od dana objavljivanja konkursa u "Službenim novinama Federacije BiH".

Prijave sa traženom dokumentacijom podnose se u zatvorenoj koverti sa naznakom "Javni konkurs za izbor Općinskog pravobranioca" - **NE OTVARAJ**, lično putem protokola Jedininstvenog općinskog organa uprave Općine Ključ ili šalju poštom preporučeno na adresu:

OPĆINA KLJUČ
Komisija za izbor Općinskog pravobranioca
Ul. Branilaca BiH br. 78
79 280 Ključ

Nepotpune i neblagovremene prijave neće se uzimati u razmatranje.



OPĆINSKI NACELNIK
dr. sc. Jasmin Musić